

Umiatsiaararsorlutik aalisartut saarullinnik bundgarn-inik pisarineqartunik pisarineqareerlutik aniseqqinneqartut annertussusaat pillugit nalunaaruteqartarnissaat, kiisalu nalunaarutigineqartut Pinngortitalerfimmuut atugassanngortinneqarnissaat qulakkeerniarlugu Naalakkersuisut suliniuteqarnissamik peqquneqarnissaat pillugu Inatsisartut aalajangiiffissaattut siunnersuut.

(Inatsisartunut ilaasortaqaq Hans Aronsen, Inuit Ataqatigiit)

Akissuteqaat

(Aalisarnermut Piniarnermullu Naalakkersuisoq)

Aappassaaneerpeqarnera

Naalakkersuisut sinnerlugit Inatsisartut Aalisarnermut, Piniarnermut Nunalerinermullu Ataatsimiititaliaata siunnersuutip peqqissaarullugu suliarisimaneranut ataatsimiititamillu isumaliutissiisummik saqqummiussinerannik qujaffigerusuppakka.

Isumaliutissiisummi ataatsimiititap ataasiakkaanut oqaaseqaataanut innersuussillunga Naalakkersuisullu suliap siullermeernerani akissuteqaataanut sanilliullugu eqqumiiginarpoq, ataatsimiititami taamaattoq amerlanerussuteqartut siunnersuutip akuerineqarnissaanik innersuussimmata.

Ataatsimiititaliap isumaliutissiisummini maluginiarpa siunnersuuteqartup amigartumik *“annertunerusumik uppersarsimangikkaa umiatsiaaqqamik aalisartut suli suliaqarnerulernissaanut atasumik pisussaaffiliinissamut sanilliullugu ilisimatuussutsikkut naleqarnerulersinnaanissaanut apeqqummut sanilliunneqarsinnaanersoq”*.

Ataatsimiititaliap isumaliutissiisummini maluginiarpaattaq: *“Siunnersuummut atatillugu Ataatsimiititaliap qununartoqarsora siunnersuut aalisartunit pisariaqanngitsumik allaffissornikkut suliaqarnerulernissaat isiginiarneqarnissaa taamaasillunilu – pisut allat assigalugit – aalisarsinnaanissamut piffissakinnerulernissaat bundgarniminnik pisaminnik amooreernerup kingorna aalisakkat aniatitatik naatsorsornissaannut piffissaliisariaqalissammata”*, aamma *“Ataatsimiititaliap aammattaaq tunngaviusumik apeqquusiisoqarsinnaasoq oqaatigalugu pisat aniseqqitat naatsorsuiiffigineqarnerisa sinerissap qanittuani pisassiisutunik qaffaanissamik kinguneqassanersoq qularnassammata”*.

Ataatsimiititaliami amerlanerussuteqartut Inuit Ataqatigiit aamma Demokraatit tunuliaqutaralugit ataani oqaaseqaatigineqartut saqqummiullugit siunnersuut akuerineqassasoq innersuussipput.

Ataatsimiititaliami amerlanerussuteqartut Inuit Ataqatigiit aamma Demokraatit tunuliaqutaralugit kaammattuutigissavaat elektroniskimik atortorissaarutit nutaaliaasut atorlugit nalunaaruteqarsinnaanissamut ingerlatsisinnaanissamut periarfiissiinissamut ammaassisoqassasoq – tassuunatigut assilisanik aamma filminik saqqummiussisinnaanikkut.

Ataatsimiititami ikinnerusussuteqartut Siumut aamma Partii Naleraq tunuliaqutaralugit siunnersuutip akuersissutigineqannginnissaa inassutigivaat.

Naalakkersuisut ataatsimiititaliap oqaaseqaataat malillugu siunnersuutigineqartoq akuerineqassanngitsoq inassuteqarput.

Taamatut oqaaseqaateqarlunga aalajangiiffigisassatut siunnersuut Inatsisartuni oqaluusereqqitassanngortillugu ingerlateqqippara.